

KERWEREDD 1994



vorgetragen von Kerweborsch Mario Fetsch

Ich griëß Eich, er Hoambecher, Sunneunn Äärbecher, Kärscheiser unn aa Hepprumer, unn all die, wuu heit zu unsere Kerwe kumme, zu unsere alljeehrliche Kerwefeijer, doodezu iss uns nix so daijer, all die wuu sich doo zoammeg'funne, winsche meer e paar scheene Stunne, bei Weck, Worscht unn Woi, loangt bei de Verwoandschaft kräftisch noi, en guure Apeditt unn Proscht, er glaabt nedd woas in oahm noigäiht woann's nix koscht.

Ess schenschde Fescht vumm goanze Joohr, iss unser Kerb, ess iss wärklich woohr. Doann ess iss bekoannt seit eh unn jeh, die Rousedäaler Kerb iss immer schee.

Beihnooh weer doch wäije so e-me Gilla-Galle dessjoohr die Kerb wirre ausg'falle, weil im letschte Joohr sou-en Raddegickel, geklaut hodd dem Kerwesucher soin naije Bickel unn die Schaufelschipp aa, doo grieschde doch die Pernospera, ess goanze Joohr hodd de Röders Thomas g'flucht, weil-er immer noch soin Bickel hodd g'sucht. Gott sei Doank, hewwe drei Kerweborsch vunn denne oalde, die Kerweredd vorsjoohr doch noch gehaalde.

Woas de Kerwe un-em Brauchtum nitzt, hodd dessjoohr die Jugend vorbildlich unnerstitzt, die hewwe sich voll fer die Kerwe oig'setzt, Rouse gebunne unn iwweroal rummgewetzt. Kränz hewwe-se gebunne, Schilder genäggelt unn gebabbt, daß jo beim Umzugg alles klappt.

Bekoannt iss joo, daß sou-e Kerweredd, immer in Mundart vorg'stellt wärd. En Hepprumer war in de Zeitung nedd oan Mundart intrressiert, der hodd ewwer woas ze häijern gricht, geäjert hodd denn a, weil moanches noch geroimt, Doktorn unn Professer häwwe dem Schlaubuggel de Kimmel g'schloimt. Woas glaabt ehr woas die Hoambecher deen meutern, woann ich do oan dääre Stell deet hochdeitsch blaudern. Meer brauche uns fa unser' Mundart nedd ze scheeme, doann doodemit hewwe meer koa Probleme. Beim Stadle-Theater häbht-er g'saihje, wie souwoas kimmt ou, e groußes Loub' vunn de Leit ou-wou-ou-wou. Wie die Speeler unser Mundart gemeischdert, die Mundartfachleit waarn hell begeischdert. Die Musik soll jetzt mool speele, ich muß awell die Gorgel eele.

Aaa die HABAFA koann mär soache, hodd iwweroal grouße Welle g'schloache. All warn-se begeischdert vumm Humor unn Witz, selbscht de Zuggmarschall nimm Ulli vunn de Roothauspitz. Doann es war alles fescht im Griff, beim Nino unserm Owwerscheriff. Veel hewwe gemoant, ohne en Noome ze nenne, doo heen sich die Hepprumer e Scheib oabschneire könne. Dess klappt na woannjunge unn Oalde

oanisch sinn un zoarmehoalde, sou wie dess bei unsere Kerwe iss, doann iss de Erfolg aa goanz gewiß. Doch bei allem, woass gilt die Wett, glaabt mär, die Konkurrenz schleeft nedd. Owwerhoamboach iss grouß im kumme, woas die sich alles vogenomme. Dess Bergvolk doo owwe drauß, iss uns ball in allem voraus. Die sinn doo nedd zimberlich, sie hewwe schunn zwaa Könischinne unn en Könisch. Gewärzisch un foi, schmeckt ein Ebbelwoi-Könisch soin Ebbelwoi, unn e Könischin fa Latwäjer unn Riwwelkuche, souwoas könnt-er im goanze Ourwoald suche. Oans ewwer is fa uns klar, es wärd nedd sou wie 's vor hunnert Joohr war. Die hewwe sich nedd blous g'fobbt, die hewwe sich ball die Härner oigeklobbt. Dess Ding war vielleicht stark, in de Kerwezeitung könnt'-ers leese, sie koscht na oa Mark. Vunn Generation zu Generation, ess iss bei uns schunn Tradition: Meer hewwe en Kerweborsch unn koan Kerweparre, doann unsern Parrer is de Lothar mit de Gitarre. Der moant Kerwe heed woas mit Kirchweih' ze duu, hoffentlich häihjert-er heit zu. Meer häihiern demm soi Prerrisch jeden Sunndoag ou, daß märn hewwe sinn mär joo räächt frouh, doann ess iss en intelligente Moann, "Ei wuu is-er doann". Ess iss als e-mool ugewiß, obb-er wirrer unnerwegs iss? Ulengscht iss oaner vunn Owwerhoamboach tunner, oann de Meschthild horrer die Brems nedd g'funne, unn hodd die Kurv nedd griecht, weil-er schneller g'fahn iss wie de Schutzengel fliegt. Hodd soi Audo, wuu verkromt is unn vernikelt, groad umm-e Latern rummgewickelt, unn iss leicht ougschloache hoamgehickelt. Woas mär beim Audofahn hoalt wisse muß, Berg-noi gäiht's schneller wie zu Fuß, dess alles bleibt nedd verboije, wer de Schoare hodd, brauch fa de Schrott nedd zu soije. Unn jetzt en Schluck vumm Hoambecher Woi, die Musik speelt mool zwische noi.

Unser Zeitungsfraa dess iss koan Spaß, stellt ehr Fahroad medde uff die Gaß'. Sie iss moijends oani vunn de Schnelle, sogar in de Kurv dutt-ses hiestelle. Hodd die doann Sonderrechte im Verkehr, wie's Roure-Kreiz unn die Feijerwehr? Woas die sich so vorstellt unn moant sie weer aloa uff de Welt. So macht mär doch koa Bosse, sunscht koansch-de doi Fahrroad vumm Sperrmüll holle losse. Ich will's nedd dramatisiern, ewwer, woas könnt' do alles bassiern. Brigitte loss dess in Zukunft bleiwe, sunscht koanscht-de uff doin Groabstoa schreiwe, dess iss koan Spott, daß-se doch räächt katt hodd. Daß die fleisich Familie vum Mitsche-Päiter, windg'schädisch iss, waas inzwische jeder. Ess iss oan dem Bauernhaus, wuu's gäiht in Gäjebüschel naus. Vumm Pontius bis zu Pilatus sinn die gelaafe, um e paar Bauplätz zu verkaafe. Die Oantwort war, ich find's en Hohn: es geengt nedd wäije de Luftzirkulation. Sou wie ich die fleisiche Mädchin kenne, heen die die Pennig gut brauche könne. Unn dem kloane Buu, heed's Geld räächt gut geduh. Weil-ses näirisch gebraucht hewwe, hewwe se den Platz als Wiss häargewwe. Koum war oabg'schlosse die Aktion, iss die Wiss pletzlich Baugelände woarn. De Wind hodd sich goanz plötzlich gedreht, unn vunnre goanz oannere Seit' her geweht. Sou sinn die Leit umm ehr Baugelände kumme, unn fühle sich goanz schee uff de Arm genomme. Die Kloane warn wärrd wie immer die Dumme, weil jetzt de Wind aus Richtung Lobby kumme. Gebb mär mool des Glä: sel Woi, sunscht schloofe mä die Leit noch oi.

Ulengscht war in de Zeitung e Bild, e paar war dodruffhie goanz wild, doann um die Starckenbursch erum, warn dodrowwe finfunnzwoanzisch Beem umm, daß mär vunn driwwer aus-em Ried, de historische Bauwerk aa besser sieht. Doo häwwe mimm Färschder Winterfeld, en Zoores gemoacht unn häwwe sich iwverzwersch oug'stellt. Soll doan de Blick uff de Starckenburgturrn, erscht frei wärn beim neegschde Sturm? Loßt doch sou- en Entscheid, de zustennische unn befugte Fachleit Bevor e paar Klugscheißer souwoas oan die gros Glock henke, sollte-se doch erscht e-mool drou denke, daß de Winterfeld warhaftisch-unn-Gott mäi Beem g'setzt als umgemoacht hodd. Die soll dess aa erscht e-mool versuche, die sougenoann Bio-Eunuche. Ewver, dess iss sou, woas gilt d Wett', die wisse woas, ewver sie kenn-es nedd.

Weil die Beem unem Kärchhouf demneegscht g'fäl weil's g'fährlich fa die Audo, wuu unne vorbeifahr souwoas koann mär na bejaan. Woann's en Dachschoare geebt, geeb's e grouß Geschrei, häijert liwer uff mit dääre Stengerei!

Könnt'-er Eich noch entsinne, groad sou war's vor Joohrn oan de Linne. Jeder vunn denne Superschlaue, hodd woas gewißt, bis de morsch Boam zum Fenschder noig'schloache, doann hewwe sich verpißt. Erscht hewwe-se e Schau oabgezoch ich koann Eich soache, dutt na-mool denn Wewe Hoans frooche.

jetzt will ich noch e Beispeel nenne, wieviel Beem heed mär ploanze könne, unn dess bringt mich heit noch in Raasch, fer dess deire Gutachte fer em Rörers Sepp soi Aasch. Ob die sich genaa soll engaschiern wass in Owwerhoamboach dutt basiern. Woas sii doo owwedrauß dutt, hektarweis gähnn dort die Beem kaputt. De Woald stirbt oab, sill unn leise, do könnt-se die Gosch uffreiße. Kimmt de letsch Boam zu Fall, wärnt aa die Brärrer vor de Kepp doann all. Mär soll's blus nedd iwvertreiw, unn mit zwaa Fieß uff-em Borrem bleiwe, daß meer net vunn gewisse Herrn, eines scheenes Doags iwverfahrn wärn. Woann meer mit aller Kraft semtliche Schädlingbekämpfungsmittel oabschafft. Wolle mär waarte biss uns es Ugeziffer uffg'fresse, doann weer's doch bestimmt veel besser, woann meer im Woald unn Feld, Zeckebeck unn Borgekäuwer unner Naturschutz stellt, sou aa die Lais' unn Schwoammspinner unn aa sämtliche oannere Spinner. Dess Ugeziffer will joo aa lääwe, ich muß wärrer-mool moi Gloas erheewe.

En Dorfplatz will mär jetzt aa mache, ich finn dess iss e foini Sache. Zwische Schulhaus unn Kärch, ich hoalt dess nedd fa iwverzwersch. Die Mauer soll dort verschwinne, irgendwie wärd sich e Laisung finne. Mit oahm binn ich nedd goanz oiverstoanne, die zwaa Bärke solle weg, oan de Strooß vorne. Ich hebb geglaabt ich troam, woas sol-en Dorfplatz ohne Boam. Ob Bärke oder Linne, denkt doch oanVeggel unn oan Kinner, unn woann's im Summer haab unn trocke, wuu solle sich die Rentner in de Schääre hocke. Mär macht doch koa verzischjeehrischi Bärk oafach umm, ich finn dess e bissel arigk dumm. Woann ich heit oan dääre Stell'soa, ich stell'mich uff die Hinnerboa. Die Fällaktion geebt e Mordsuff säihje, de Rhoin Adam deet sich im Groab rummdrehje, weil däär die Beem doomools g'setzt hodd, es iss werklich wohr, warhaftisch unn Gott.

Ich als junge Demokrat, wend mich oan de Ortsbeirat. Oan denn duu ich heit

appeliern, dort e-mool die Weg markiern. Woann die Weg weern markiert, weer folgendes nedd bassiert: Doo wollt e Fraa, ess derf nedd wohr soi, die Wasserschepp naus in die Erwesgaß noi. Dess hodd se sich fescht vorgenummie, doch oam Enn iss-se oarn Leenestoa rauskumme. Die Fraa war sunscht goanz intelligent, unn fa Geldougeläijenheite kompetent. jetzt erscht is-es zum zweite Mool ne oannere Fraa bassiert, blous weil die Weg dort nedd markiert. Ehr Menner loßt eijer Weibslait nedd eloa in de Woald, bevor nedd Wegzeiche ougemoolt. Dem Bernhard un dem Mathias soag ich blous, baßt uff sunscht seider eiler Weibslait lous. Die zwaa Doame warn goanz schee sauer, drumm trink ich uff die zwaa Fraue.

Bei de letschte Woahl, doo owwe im Schulhaus, fiel es Ergebnis fa die CDU goanz günschdisch aus. Doo driwwer hodd sich oaner g'fraat unn iss selisch hoangeloffe, er war goanz nüchtern, nedd besoffe, vor sich hiegebäbbert, dess heed ich nedd geglaabt, saprelott, unn hodd nedd gemerkt, daß-er soi Audo vergesse hodd. Oam neegschde Moijend, er hodd seine Aache nedd getraut: "Meer hewwe se moi Audo geklaut". "Sou e Uglick, ach Herrleeh, dess war bestimmt die SPD".

In Owwerhoamboach iss im letschte joohr en ältere Moann, nooch joohrzähnte Äärwett Rentner woarn. Seit der iss in Rente kumme, iss soi Hobby Ploanze unn Blumme. Doch woann mär in soim Leewe fleisisch g'schafft, leßt mool nooch die Moanneskraft. Soi Fraa hodd g'soad: "Ich waäß nedd, vielleicht leit's oan dem oalde Bett. Dess muß Joo nedd groad soi, es kumme neije Bett roi". Die oalde hewwe-se zum Fenschder nausg'schmesse, schlääg hodd's geduh, daß-es oam ball es Trummelfell hodd verresse. Doann hewwe se sich uff gerafft, unn hewwe oowends e Glässel Woi getrunke, unn sich selisch in die neije Bette g'sunke. Ball fall-en doann die Aache zu, unn die goanz Noacht war Ruh'. Wie se moijends uffgewacht, hodd die Sunn schunn oam Himmel gelacht. Es war schunn ziemlich speet, aa de Gickel hodd schunn lengscht gekreeht. Woann ich dess gewißt heed, fengt die Fraa ou ze schenne, heen mär aa weiter noch in de oalde Bette schloofe könne. De Moann druff: "Schenn nedd iwwer die Bettqualität, en guure Schloof iss a woas wärt«. Schunn e oaldi Volksweisheit spricht: "Wer schläft der sündigt nicht". Die Fraa doann: "Woann meer des wolle, könne meer's joo doachsiwwer noochholle". Doann hodd de brav Moann noch g'soad: "Du waascht noch nedd Bescheid, en Rentner hodd iwwer Doag niemools Zeit". jetzt trink ich oaner uff die zwaa gure Leit! Prost!

Bevor ich jetzt moi Gläasel leer, noch e korzes Wort vunn meer: "Meer doanke unserm Rhoine Hoans, nedd blous fer den Kerwekroanz, er soll uns noch lang erhoalde bleiwe, als oalde Kerwereddeschreier".

Sou Ehr Leit, dess wahrs fer heit. Ich hoff, daß ich koam uff de Schlipps geträäre, woann doch duu ich fa die e extra "Vater unser" bääre, mit de zuseetzliche Bitt', daß-er vumm Herrgott mäi Humor zugedaalt gritt. Also, noi ins Kerwetreiwe, koaner därf heit oabseits bleiwe. Feijert schee mit Kind unn Kegel. Fa die Loandwärt noch e Bauernregel: "Woann's im April grünt unn blieht oan alle Ecke, koann de Bauer Kartoffel stecke. Daß-es im Herbscht veel

Kartoffel gitt, all esse doann mit guurem Apetitt, sogar die Sai, dunn doann zefreere grunze:

"Weem iss die Kerb - "unser"!!! Sou, unn jetzt singt all e-mool

dess scheene Lied vunn unserm Rousedoal!